

## Исус Крестосын шочмыжо

1 Ты жапыште Август кесарь уло кугыжаныштыже калыкым шотлен возаш күштен. 2 Тиде икымше шотлен возымаш лийын. Сирийыште Квириний вуйлатыме годым тудым эртареныт. 3 Чылан шке тукумыштын олашке возалташ каеныт. 4 Иосиф Давидын тукумжо гыч лийын, сандене Галилейысе Назарет ола гыч Давидын Иудейысе Вифлеем лүман олашкыже каен. 5 Возен шотлымашке марлан налшаш Марияж дене пырля каен. Мария мўшкыран лийын. 6 А кунам нуно Вифлеемыште лийыныт, Мариялан азам ышташ жап шуын. 7 Мария икымше шочшыжым, эргым, ыштен, тудым йолвалыш вўдылын, вольык шерчаш пыштен. Пўртыштў нунылан вер лийын огыл. 8 Тудо кундемыште күтүчө-влак йўдым олыкышто шорыкым күтеныт. 9 Ончыкышт Шнуйозан суксыжо лектын, да Шнуйозан чапше нуным волгалтарен. Күтүчө-влак чот лўдыныт, 10 но суксо каласен: «Ида лўд! Мый тыланда кугу куаным увертарем, уло калыклан йывыртымашым кондем. 11 Таче Давидын олаштыже тендам Утарыше — Крестос, Шнуйоза, шочын. 12 Теве тыланда пале: те вўдыл пыштыме азам шерчаште муыда». 13 Кенета ты суксо дене пырдя шуко суксо-сарзе дектын да Юмым чапландарен: 14 «Юмылан күшнў чап лийже! Тудын йўратыме енге-влаклан мландўмбалне тыныс лийже!» 15 Суксо-влакын кавашке пўртылмекышт, күтүчө-влак икте-весыштлан ойленыт: «Вифлеемыш каена, Шнуйоза мо нерген увертарымым, тушто мо лиймым ончалына». 16 Нуно содор каеныт, мийымекышт, Мариям, Иосифым да шерчаште кийыше азам муыныт. 17 Нуным ужмекышт, тиде йоча нерген суксын ойлымыжым каласкаленыт. 18 Тидым колын, күтүчө-влакын каласкалымыштлан чылан чот ўрыныт. 19 А Мария чыла тидым шўмыштыжў арален да тидын нерген эреак шонен. 20 Мом ужмо-колмыштлан Юмым моктен да чапландарен, күтүчө-влак мўнгеш пўртылыныт: чылажат суксо каласыме

семьнак лийын.